



Ordenanza fiscal reguladora do imposto sobre actividades económicas.

Aprobada por el Pleno de este Ayuntamiento con fecha de 14 de Febrero de 2003.
Publicada en el Boletín Oficial de la Provincia nº 74, Lunes 31 de Marzo de 2003.

Ó abeiro das facultades normativas outorgadas polos artigos 133.2 e 142 da Constitución Española, artigo 6.1.b da Lei 5/1997 do 22 de xullo da Admón. Xeral de Galicia, artigo 106 da Lei 7/1985, do 2 de abril, reguladora das Bases de réxime local, sobre potestade normativa en materia de tributos locais, e de conformidade, así mesmo, co establecido nos artigos 15 e seguintes, así como no Título II e artigo 79 e seguintes, todos eles da Lei 39/1988, do 28 de decembro, reguladora das facendas locais, na súa redacción dada pola Lei 51/2002, do 27 de decembro, de modificación de dita norma, regúlase mediante a presente Ordenanza fiscal o Imposto sobre Actividades Económicas (IAE).

Artigo 1º. Feito imponible.

1. O imposto sobre Actividades Económicas é un tributo municipal directo de carácter real. O feito imponible deste imposto está constituído polo mero exercicio, no territorio nacional, de actividades empresariais, profesionais ou artísticas que non estean exentas, tanto se se exercen nun local determinado como se non, se atopen ou non especificadas nas tarifas do imposto.

2. Ós efectos deste imposto, considéranse actividades empresariais as da gandería independente, as mineiras, industriais, comerciais e de servizos. Polo tanto, non teñen esta consideración, as actividades agrícolas, as gandeiras dependentes, as forestais e as pesqueiras.

Artigo 2º. Suxeitos pasivos.

Son suxeitos pasivos as persoas físicas ou xurídicas e as entidades ás que se refire o artigo 33 da Lei Xeral Tributaria sempre que realicen en territorio nacional calquera das actividades que orixinen o feito imponible.

Artigo 3º. Responsables.

1. Responden solidariamente das obrigas tributarias tódalas persoas que sexan causantes dunha infracción tributaria ou que colaboren na súa comisión.

2. Os copartícipes ou cotitulares das entidades xurídicas ou económicas a que se refire o artigo 33 da Lei Xeral Tributaria responderán solidariamente en proporción ás súas respectivas participacións nas obrigas tributarias destas entidades.

3. No caso de sociedades ou entidades disoltas e liquidadas, as súas obrigas tributarias pendentes transmitiranse ós socios ou partícipes no capital, que responderán das mesmas solidariamente e ata o límite do valor da cota de liquidación que se lles adxudicara.

4. A responsabilidade esixirase en todo caso nos termos e de acordo co procedemento previsto na Lei Xeral Tributaria.

Artigo 4º. Exencións.

1. Están exentos do imposto:

a) O Estado, as Comunidades Autónomas e as Entidades Locais, así como os Organismos autónomos do Estado, e das entidades de dereito público de análogo carácter das Comunidades Autónomas e das entidades locais.

b) Os suxeitos pasivos que inicien o exercicio da súa actividade no territorio español, durante os dous primeiros períodos impositivos deste imposto en que se desenvolva a mesma.

c) Os seguintes suxeitos pasivos:

- As persoas físicas.

- Os suxeitos pasivos do imposto sobre Sociedades, as sociedades civís e as entidades do artigo 33 da Lei 230/1963, do 28 de decembro, Xeral Tributaria, que teñan un importe neto da cifra de negocios inferior a un millón de euros (1.000.000 euros).

Ós efectos da aplicación da exención prevista neste parágrafo teranse en conta as regras que se conteñen no artigo 83 da Lei 39/1988.

d) As entidades xestoras da Seguridade Social e as Mutualidades de Previsión Social reguladas pola Lei 30/1995, do 8 de novembro, de ordenación e supervisión dos seguros privados.

e) Os organismos públicos de investigación, os establecementos de ensino en tódolos seus graos costeados íntegramente con fondos do Estado, das Comunidades Autónomas ou das entidades locais, ou por fundacións declaradas benéficas ou de utilidade pública, e os establecementos



de ensino en tódolos seus graos que, carecendo de ánimo de lucro, estiveran en réxime de concerto educativo.

f) As asociacións e fundacións de dismínuídos físicos, psíquicos e sensoriais, sen ánimo de lucro, polas actividades de carácter pedagóxico, científico, asistencial e de emprego que para o ensino, educación, rehabilitación e tutela de dismínuídos que realicen.

g) As fundacións e asociacións para o exercicio daquelas actividades que constitúan o seu obxecto social ou finalidade específica, non supoñan competencia desleal e os seus destinatarios sexan unha colectividade xenérica de persoas.

A tal efecto estarase ó establecido na Lei 50/2002, do 26 de decembro, de fundacións e na Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ó mecenado.

h) A Cruz Vermella.

i) Os suxeitos pasivos ós que lles sexa de aplicación a exención en virtude de tratados ou convenios internacionais.

2. As exencións reguladas nas letras b), e) e f) do apartado anterior terán carácter rogado e concederanse, cando proceda, a instancia de parte.

3. As exencións de carácter rogado que sexan solicitadas antes de que sexa firme a liquidación correspondente Terán efectos desde o inicio do período impositivo á que se refira a solicitude, sempre que na data da obriga de contribuír do tributo concorreran os requisitos legalmente esixibles para o goce da exención.

Artigo 5º. Cota tributaria.

A cota tributaria será a resultante de aplicar as tarifas do imposto, incluído o elemento superficie, o coeficiente de ponderación determinado en función do importe neto da cifra de negocios do suxeito pasivo e o coeficiente que pondere a situación física do local onde se realiza a actividade regulados nos artigos 6 e 7 da presente Ordenanza.

Artigo 6º. Coeficiente de ponderación en función da cifra de negocios.

De acordo co artigo 87 da Lei 39/1988, do 28 de decembro, sobre as cotas municipais fixadas as tarifas do imposto aplicarase, en todo caso, un coeficiente de ponderación, determinado en función do importe neto da cifra de negocios do suxeito pasivo, de acordo co seguinte cadro:

Importe neto da cifra de negocios (euros); Coeficiente

Desde:

- 1.000.000,00 ata 5.000.000,00; 1,29
- 5.000.000,01 ata 10.000.000,00; 1,30
- 10.000.000,01 ata 50.000.000,00; 1,32
- 50.000.000,01 ata 100.000.000,00; 1,33

Máis de 100.000.000,01; 1,35

Sen cifra neta de negocio; 1,31

Ós efectos da aplicación do coeficiente á que se refire este artigo, o importe neto da cifra de negocios do suxeito pasivo será o correspondente ó conxunto de actividades económicas exercidas por el e determinarase de acordo co previsto no parágrafo c) do apartado 1 do artigo 83 da Lei de facendas locais.

Artigo 7º. Coeficiente de situación.

1. Ós efectos do previsto no artigo 88 da Lei 39/1988, do 28 de decembro, as vías públicas deste municipio clasifícanse en dúas categorías fiscais. (Anexo a esta Ordenanza fiscal figura o índice alfabético das vías públicas con expresión da categoría fiscal que corresponde a cada unha delas).

2. a) A primeira categoría está constituída polas rúas da capitalidade do concello na súa totalidade.

b) A segunda categoría está constituída pola totalidade das rúas e espazos do resto do termo municipal.

3. Sobre as cotas incrementadas pola aplicación do coeficiente sinalado no artigo 6º desta Ordenanza, e atendendo á categoría fiscal da vía pública na que radica fisicamente o local no que se realiza a actividade económica, establécese a seguinte táboa de coeficientes:

Categoría fiscal das vías públicas; índice aplicable

Primeira; 2,00

Segunda; 3,8



3. O coeficiente aplicable a calquera local ven determinado polo correspondente á categoría da rúa na que teña sinalado o número de policía ou no que se atope situado o acceso principal.

Artigo 8º. Bonificacións.

Sobre a cota do imposto aplicaranse, en todo caso, as seguintes bonificacións:

a) Ó abeiro do que prevé a Lei 20/1990, do 19 de decembro, sobre réxime fiscal de cooperativas, gozarán dunha bonificación do 95 por 100 da cota as cooperativas, as súas unións, federacións e confederacións, así como as sociedades agrarias de transformación.

Artigo 9º. Período impositivo e percibo do imposto.

1. O Período impositivo coincide co ano natural, excepto cando se trata de declaracións de alta. Neste caso, comprenderá dende a data de inicio da actividade e ata o final do ano natural.

2. O imposto percíbese o primeiro día do período impositivo e as cotas serán irreductibles, excepto nos casos de declaración de alta en que o día de inicio da actividade non coincida co ano natural, no caso das cales as cotas calcularanse proporcionalmente o número de trimestres naturais que queden para acabar o ano, incluído o do inicio do exercicio da actividade.

3. Tamén, e no caso de baixa por cese no exercicio da actividade, as cotas serán prorrateables por trimestres naturais, excluído aquel no que se produza dito cese. Con este fin, os suxeitos pasivos poderán solicitar a devolución da parte da cota correspondente ós trimestre naturais nos que non se tivese exercido a actividade.

4. Tratándose de suxeitos pasivos que figuren dados de alta nalgún dos epígrafes 833.1, 833.2, 965.1, 965.2 e 965.5 da Sección I das Tarifas do IAE, percibirán no mes de xaneiro de cada ano a parte correspondente ós metros vendidos ou espectáculos cobrados no exercicio anterior.

No caso de cese na actividade, a declaración complementaria haberá de presentarse xunto coa declaración de baixa.

Artigo 10º. Réxime de declaración e de ingreso.

1. É competencia do Concello a xestión tributaria deste imposto, que comprende as funcións de concesión e denegación de bonificacións e exencións, realización das liquidacións que condúzan á determinación das débedas tributarias, emisión dos instrumentos de cobro, resolución dos expedientes de devolución de ingresos indebidos, resolución dos recursos que se interpoñan contra os anteditos actos, e actuacións para información e asistencia ó contribuínte, sen prexuízo das facultades de delegación.

2. Contra os actos de xestión tributaria competencia do concello, os interesados poden formular recurso de reposición, previo o contencioso-administrativo, no prazo dun mes a contar dende:

- A data da notificación expresa, no caso de liquidacións de ingreso directo.

- A finalización do período de exposición pública do padrón cando o tributo se esixa en tal réxime por tratarse de exercicios seguintes a aquel no que tivo lugar o alta.

3. A interposición de recursos non paraliza a acción administrativa de cobro, agás que, dentro do prazo previsto para interpoñelos, o interesado solicite a suspensión da execución do acto impugnado e achegue garantía suficiente.

Non obstante elo, en casos excepcionais, o órgano competente pode acordar a suspensión do procedemento, sen presentación de garantía, cando o recorrente xustifique a imposibilidade de presentala ou demostre de xeito inequívoco que hai erros materiais na liquidación que se impugna.

4. As liquidacións de ingreso directo satisfíranse nos períodos fixados polo Regulamento Xeral de Recadación. Transcorrido o período voluntario de cobro sen que se realice o ingreso iniciarase a vía de prema e aplicarase o recargo establecido na Lei Xeral Tributaria.

As cantidades adebedadas reportan xuros de demora dende o día seguinte ó do vencemento da débeda en período voluntario ata o día do seu ingreso, e o antedito xuro aplicarase sobre a débeda tributaria, excluído o recargo de prema.

O tipo de xuro e vixente ó longo do período en que se perciba, fixado dacordo co disposto no artigo 58.2.c) da Lei Xeral Tributaria e disposicións legais que resulten de aplicación.

5. Cando o concello teña atribuídas as competencias en materia de xestión censal, segundo o establecido no artigo 92.1 da Lei 39/1988, o imposto esixirase en réxime de autoliquidación cos impresos aprobados ó efecto pola entidade local.



Artigo 11º. Comprobación e investigación.

Por delegación do Ministerio de Economía e Facenda, o concello ou ente en que este delegase as súas competencias de xestión tributaria exercerá as función de inspección do imposto sobre Actividades Económicas, que comprenderán a comprobación e a investigación, a práctica das liquidacións tributarias que, se cabe, sexan procedentes e a notificación da inclusión, exclusión ou alteración dos datos contidos nos censos, todo elo referido, exclusivamente, os supostos de tributación por cota municipal.

Artigo 12º. Data de aprobación e vixencia.

Esta Ordenanza fiscal cunha redacción definitiva aprobada polo Pleno da corporación na sesión que tivo lugar o día 14 de febreiro de 2002, entrará en vigor o mesmo día da súa publicación no Boletín Oficial da Provincia e será de aplicación a partir do día 1 de xaneiro de 2003, permanecendo na súa vixencia ata a súa modificación ou derogación expresa.

Disposición adicional.

As modificacións producidas pola Lei de Orzamentos Xerais do Estado ou por calquera outra norma de rango legal que afecten a calquera elemento deste imposto, serán de aplicación automática dentro do ámbito desta Ordenanza.

Visto e prace.- O alcalde.- A secretaria